

## 7. gr.

Fyrir upphaf hvers skólaárs, skal prófnefnd senda skólum drög að námsskrá í landsprófsgreinum gagnfræðaprófs. Skal þar gerð grein fyrir námsefni og helztu atriðum, er leggja ber áherzlu á í kennslunni, en auk þess skal lýst í stórum dráttum um kröfum næsta prófs og gerð þess.

## 8. gr.

Reglugerð þessi er sett samkvæmt lögum nr. 48/1946 um gagnfræðanám, og öðlast hún gildi frá og með 1. ágúst 1970. Jafnframt fellur úr gildi reglugerð um samræmt gagnfræðapróf frá 22. janúar 1968.

*Í menntamálaráðuneytinu, 1. september 1970.*

**Gylfi Þ. Gíslason.**

*Runólfur Þórarinnsson.*

**REGLUGERÐ****um landspróf miðskóla.**

## 1. gr.

Á miðskólaprófi í bóknámsdeild skalið landspróf í eftirtöldum greinum: íslenzku, dönsku eða öðru Norðurlandamáli, ensku, sögu, landfræði, náttúrufræði, eðlisfræði og stærðfræði. Menntamálaráðuneytið getur fækkað eða fjölgað landsprófsgreinum, ef fræðslumálastjóri og landsprófsnefnd mæla með því, og skal ráðuneytið þá setja sérstakar reglur um vægi umræddra greina í prófinu. Landspróf skal vera skriflegt að mestu leyti og haldið í lok hvers skólaárs, samtímis um land allt, samkvæmt nánari fyrirætlum fræðslumálastjóra og landsprófsnefndar.

## 2. gr.

Rétt til þess að halda landspróf miðskóla hafa miðskólar, gagnfræðaskólar og aðrir sambærilegir skólar, sem fá til þess leyfi ráðuneytisins.

## 3. gr.

Menntamálaráðuneytið skipar 10 manna prófnefnd til allt að þriggja ára í senn. Skal prófnefndin heita landsprófsnefnd. Einn nefndarmanna hefur með höndum formannsstörf og framkvæmdastjórn fyrir nefndina. Aðrir nefndarmenn skulu vera sérfróðir um námsgreinar landsprófs miðskóla, tveir um íslenzku, en einn um hverja prófgrein aðra en íslenzku. Nefndarmenn skulu vera vel kunnugir kennslu í gagnfræðaskólum og námsefni því, sem krafizt er til prófsins.

Jafnframt fyrrgreindum aðalmönnum í landsprófsnefnd skipar menntamálaráðuneytið 9 varamenn í nefndina, einn fyrir hvern námsgreinarsérfræðing. Ráðuneytið getur og skipað ritara í landsprófsnefnd til aðstoðar við framkvæmdastjóra, ef nefndin mælir með því, og skal hann þá vera varamaður formanns.

Hverfi maður úr landsprófsnefnd, áður en starfstímabil hans er liðið, skal skipa annan í hans stað það sem eftir er tímabilsins.

Þóknun til aðalmanna, varamanna og ritara landsprófsnefndar, prentun og fjölritun verkefna, svo og annar kostnaður við störf landsprófsnefndar greiðist úr ríkissjóði eftir reikningi, sem menntamálaráðuneytið samþykkir.

## 4. gr.

Landsprófsnefnd gegnir prófdómarastörfum í Reykjavík og næsta nágrenni. Taka varamenn þátt í þessum prófdómarastörfum, eftir því sem nefndin sjálf ákveður. Annars staðar skipar ráðuneytið sérstaka prófdómara að fengnum tillögum fræðslumálastjóra og landsprófsnefndar. Um laun stjórnskipaðra prófdómara og annan próf-kostnað fer eftir gildandi lögum og reglum.

## 5. gr.

Fræðslumálaskrifstofan annast í samráði við formann landsprófsnefndar um prentun og fjölrítun prófverkefna á þann hátt, sem þessir aðilar telja öruggastan. Fræðslumálaskrifstofan sendir prófgögn til skólustjóra og ákveður próftíma í samráði við landsprófsnefnd. Skal öllu þann veg háttáð, að tryggt sé, að verkefni vitnist eigi fyrir en á prófdegi.

## 6. gr.

Landsprófsnefnd setur nákvæmar reglur um framkvæmd landsprófs miðskóla, úrvinnslu prófverkefna og einkunnagjöf.

## 7. gr.

Í erlendum tungumálum skal haldið munnlegt próf í framburði og fleiri atriðum, er varða munnlega málnotkun. Prófdómari og kennari dæma um munnlegt próf, og tekið skal tillit til einkunnar þess eftir því, sem landsprófsnefnd mælir fyrir um.

## 8. gr.

Strax síðasta prófdag skulu skólar tilkynna formanni landsprófsnefndar um þá nemendur, sem hafa ekki lokið öllum prófum sakir veikinda eða annarra lögmætra forfalla. Landsprófsnefnd heldur sjúkrapróf fyrir þessa nemendur, og fara þau fram svo fljótt sem auðið er að loknu aðalprófi. Skulu sjúkrapróf haldin í þeim skólum, sem landsprófsnefnd ákveður.

Sjúkraprófsnemendum er skylt að leggja fram læknisvottorð um orsök forfalla í prófi.

## 9. gr.

Prófdómari og kennari fara yfir úrlausnir nemenda og dæma þær. Þeir skulu koma sér saman um einkunn, en reynist það ókleift, skal leita úrskurðar landsprófsnefndar.

Úrlausnir á sjúkraprófi skulu prófdómari og kennari einnig meta, á sama hátt og á aðalprófi. Ef ekki reynist unnt að ná til kennara um mat sjúkraprófsúrlausna, dæmir landsprófsnefnd ein. Sömuleiðis getur nefndin tekið að sér eindæmi sjúkraprófsúrlausna, ef kennari eða skóli óska þess að koma þar hvergi nærri.

## 10. gr.

Allar einkunnir á landsprófi miðskóla skal færa inn í prófbók skóla. Prófskýrslu skal senda til formanns landsprófsnefndar.

Landsprófsnefnd skal halda nákvæma prófbók.

## 11. gr.

Að lokinni úrvinnslu prófa skal þegar senda landsprófsnefnd úrlausnir þeirra nemenda, sem hún hefur eigi sjálf dæmt um, samkvæmt nánari fyrirmælum nefndarinnar. Landsprófsnefnd endurmetur tiltekið úrtak þessara úrlausna, og ákveður nefndin úrtaksreglur. Skal miða úrtak m. a. við það, að úrlausnir þeirra nemenda, sem hlotið hafa aðaleinkunn nærri því marki, er veiti rétt til framhaldsnáms í menntaskóla og kennaraskóla, verði vandlega kannaðar. Verði endurmat landsprófs-

nefndar til muna frábrugðið dómi einhvers skóla, gerir hún skólanum viðvart um það. Eigi breytir endurmat landsprófsnefndar einkunnum nemenda, en tekið skal tillit til þess samkvæmt því, er um getur í 13. gr.

#### 12. gr.

Einkunnir skal gefa í heilum tölum frá 0 til 10.

Einkunnina 0 skal aðeins gefa fyrir afleita frammistöðu, og fellir sú einkunn nemandann á prófinu.

Ein einkunn skal gefin í hverri námsgrein, nema í íslenzku tvær. Reikna skal meðaleinkunn hvers nemanda með einum aukastaf.

#### 13. gr.

Til að standast landspróf miðskóla þarf nemandi að hafa hlotið a. m. k. 5.0 í meðaleinkunn. Til inngöngu í menntaskóla eða kennaraskóla þarf nemandi, auk annarra skilyrða hlutaðeigandi skóla, að hafa fengið a. m. k. 6.0 í meðaleinkunn á prófinu og eigi lægra en 5 samanlagt í tveimur lögstu greinum.

Ef dómur einhvers skóla hefur verið til muna frábrugðinn dómi landsprófsnefndar, getur nefndin til samræmingar úrskurðað, að innganga nemenda frá þeim skóla í menntaskóla eða kennaraskóla skuli miðast við aðra lágmarkseinkunn en að ofan greinir.

#### 14. gr.

Landsprófsnefnd getur heimilað nemendum, sem ná ekki 6.0 í meðaleinkunn á prófinu, en eru nærri því marki, að endurtaka að hausti próf í einstökum námsgreinum. Semur nefndin reglur um slíka endurtekningu prófa hverju sinni. Nemanda, sem stentz prófið að öðru leyti en því, er varðar samtölu tveggja lögstu einkunna, skal heimilt að endurtaka próf í þessum greinum að hausti.

Halda skal haustnámskeið fyrir nemendur, sem fá heimild til að endurtaka próf. Menntamálaráðuneytið ákveður nánar um framkvæmd námskeiðsins, að fengnum tillögum landsprófsnefndar.

Kostnaður við haustpróf greiðist á sama hátt og getið er um í 3. gr.

#### 15. gr.

Nemanda skal heimilt að þreyta landspróf miðskóla tvisvar, en ekki oftár, nema til komi skrifleg undanþága menntamálaráðuneytisins.

#### 16. gr.

Fyrir upphaf hvers skólaárs skal landsprófsnefnd senda skólum drög að námskrá. Skal þar gerð grein fyrir námsefni og helztu atriðum, er leggja ber áherzlu á í kennslunni, en auk þess skal lýst í stórum dráttum kröfum næsta prófs og gerð þess.

#### 17. gr.

Reglugerð þessi er sett samkvæmt lögum nr. 48/1946 um gagnfræðanám, og öðlast hún gildi frá og með 1. ágúst 1970. Jafnframt fellur úr gildi reglugerð um landspróf miðskóla frá 23. september 1968.

*Í menntamálaráðuneytinu, 1. september 1970.*

Gylfi Þ. Gíslason.

*Runólfur Þórarínsson.*